

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02/1-04-1679/25-AP-1
Datum: 29.07.2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 29-07-2025			
Org. jed.	Kl. ozn.	Red. broj	Br. prijeka
01	04	1681/25	

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
Hadžić dr Amira, spec. radiolog

PREDMET: Prijedlog Odluke o subvencioniranju troškova nabavke i instaliranja toplinskih pumpi – invertera za korisnike sistema daljinskog grijanja Grada Zavidovići, dostavlja se

U prilogu akta dostavljam Vam Prijedlog Odluke o subvencioniranju troškova nabavke i instaliranja toplinskih pumpi – invertera za korisnike sistema daljinskog grijanja Grada Zavidovići.

Predlažemo da se Prijedlog Odluke o subvencioniranju troškova nabavke i instaliranja toplinskih pumpi – invertera za korisnike sistema daljinskog grijanja Grada Zavidovići razmatra po hitnom postupku u skladu sa članom 131. i 132. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/2022 i 1/2023). Također predlažemo da se za razmatranje Prijedloga Odluke o subvencioniranju troškova nabavke i instaliranja toplinskih pumpi – invertera za korisnike sistema daljinskog grijanja Grada Zavidovići zakaže vanredna sjednica Gradskog vijeća Zavidovići u skladu sa članom 57. stav (4) Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.



GRADONAČELNICA

mr. inž. Erna Merdud Smalhodžić



Broj: 02/1-04-1678/25-AP-1

Datum: 29.07.2025. godine

Na osnovu člana 7., 13., 33. i 34. stav (1) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/99) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradsko vijeće Zavidovići na svojoj __. sjednici, održanoj dana __. __. 2025. godine donijelo je

O D L U K U

o subvencioniranju troškova nabavke i instaliranja toplotnih pumpi – invertera
za korisnike sistema daljinskog grijanja Grada Zavidovići

Član 1. (Predmet)

(1) Ovom Odlukom odobrava se subvencioniranje građanima na području Grada Zavidovići koji su na dan 30.07.2025. godine priključeni na sistem daljinskog grijanja Grada Zavidovići za troškove nabavke i instaliranja toplotnih pumpi - invertera.

(2) Subvancije iz stava (1) ovog člana odobravaju se zbog nemogućnosti JKP „Radnik“ d.o.o. Zavidovići za isporuku toplotne energije za korisnike sistema daljinskog grijanja Grada Zavidovići zbog zabrane rada kotlovnica „Samačka“ i „Parnjača“ rješenjem Kantonalne uprave za inspekcije, broj: 18-13-04775/25-05-03.002-P od 15.07.2025. godine, a u cilju obezbjeđenja zagrijavanja stambenih prostora navedenih korisnika.

Član 2. (Obezbjedenje i visina sredstava za isplatu)

Grad Zavidovići će obezbijediti sredstva u Budžetu Grada Zavidovići za 2025. godinu na poziciji „Subvencije JKP „Radnik“ Zavidovići“, konto 6144231, za iznos sredstava kojim se JKP „Radnik“ d.o.o. Zavidovići subvebcionirao u cijeni grijanja za grejnu sezonu 2024./2025. godina, odnosno u iznosu do 130.000,00 KM.

Član 3. (Provođenje Odluke)

(1) Za provođenje ove Odluke zadužuje se JKP „Radnik“ d.o.o. Zavidovići i Služba za upravu poljoprivrede, vodoprivrede i komunalnih poslova Grada Zavidovići.

(2) JKP „Radnik“ d.o.o. Zavidovići će izraditi kriterije za subvencioniranje nabavke i instaliranja toplotnih pumpi - invertera na koje saglasnost daje Skupština JKP „Radnik“ d.o.o. Zavidovići.

(3) Postupak odlučivanja o pravu i visini subvencije i isplatu subvencije vršit će JKP „Radnik“ d.o.o. Zavidovići u skladu sa kriterijima iz stava (2) ovog člana.

Član 4.
(Način obračuna i isplate sredstava)

Sredstva za subvencije iz člana 1. ove Odluke isplatit će se do 31.10.2025. godine, a isplaćivat će se na račun JKP „Radnik“ d.o.o. Zavidovići na osnovu zahtjeva i odluke JKP „Radnik“ d.o.o. Zavidovići o priznanju prava na subvenciju. JKP „Radnik“ d.o.o. Zavidovići će nakon uplate subvancije izvršiti isplatu korisniku subvencije na osnovu odluke o priznavanju prava na subvenciju.

Član 5.
(Vremensko važenje)

Ova Odluka će se primjenjivati do 31.12.2025. godine.

Član 6.
(Stupanje na snagu)

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

Amira dr. Hadžić, spec. radiolog

OBRAZLOŽENJE

PRAVNI OSNOV ZA DONOŠENJE ODLUKE

U članu 7. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/99) propisano je: „Jedinica lokalne samouprave samostalno raspolaže finansijskim sredstvima u skladu sa zakonom“.

U članu 13. Zakona o principima lokalne samouprave u Federaciji Bosne i Hercegovine propisano je: „Organ odlučivanja jedinice lokalne samouprave je općinsko vijeće u općini, a gradsko vijeće u gradu (u daljnjem tekstu: vijeće). Vijeće u okviru svojih nadležnosti:

- priprema i dvotrećinskom većinom glasova usvaja statut jedinice lokalne samouprave;
 - usvaja budžet i izvještaj o izvršenju budžeta jedinice lokalne samouprave;
 - donosi razvojne, prostorne i urbanističke planove i programe, te provedbene planove, uključujući zoniranje;
 - donosi propise o porezima, taksama, naknadama i doprinosima jedinice lokalne samouprave u skladu sa zakonom;
 - donosi odluke o upravljanju i raspolaganju imovinom jedinice lokalne samouprave;
 - donosi odluke o zaduživanju;
 - donosi programe uređenja građevinskog zemljišta;
 - donosi plan korištenja javnih površina;
 - donosi odluke o organizaciji mjesne samouprave i nazivima ulica, trgova i dijelova naseljenih mjesta;
 - donosi odluke o udruživanju jedinica lokalne samouprave u savez i druge oblike organiziranja;
 - donosi odluke o proglašenju praznika jedinice lokalne samouprave;
 - donosi odluke o nagradama i priznanjima jedinica lokalne samouprave;
 - bira i razrješava predsjedavajućeg i zamjenika predsjedavajućeg vijeća;
 - donosi odluke o raspisivanju referenduma;
 - razmatra godišnje izvještaje o provođenju politike jedinice lokalne samouprave i aktivnostima načelnika/ce;
 - osniva preduzeća i ustanove za obavljanje poslova od interesa za jedinicu lokalne samouprave;
 - donosi poslovnik o svom radu;
 - obavlja i druge poslove utvrđene zakonom i statutom.
- Članovi vijeća odgovaraju za ustavnost i zakonitost akata koje vijeće donosi u okviru svojih nadležnosti.

U članu 33. Zakona o principima lokalne samouprave u Federaciji Bosne i Hercegovine propisano je: „Jedinice lokalne samouprave imaju pravo na pokretnu i nepokretnu imovinu i na odgovarajuće izvore finansiranja kojima slobodno raspolažu u okviru svojih ovlasti, kao i na sredstva za obavljanje delegiranih ili prenesenih poslova iz okvira prava i dužnosti viših tijela vlasti.

U članu 43. stav (1) Zakona o principima lokalne samouprave u Federaciji Bosne i Hercegovine propisano je: „Jedinice lokalne samouprave imaju pravo na odgovarajuće sopstvene finansijske izvore kojima lokalni organi mogu slobodno raspolagati u okviru svoje nadležnosti u skladu sa zakonom.

U članu 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) propisano je: „Gradsko vijeće u okviru svoje nadležnosti:

1. donosi Statut Grada dvotrećinskom većinom glasova;

2. donosi odluke i druge opće akte kojima uređuje pitanja iz samoupravnog djelokruga Grada;
3. donosi budžet Grada, godišnji izvještaj o izvršenju budžeta kao i odluku o privremenom finansiranju u skladu sa zakonom;
4. utvrđuje gradsku politiku u okviru nadležnosti i prati njeno ostvarivanje;
5. donosi razvojne, prostorne i urbanističke planove i programe, te provedbene planove, uključujući zoniranje;
6. donosi propise o porezima, taksama, naknadama i doprinosima Grada u skladu sa zakonom;
7. donosi odluke o upravljanju i raspolaganju imovinom Grada;
8. donosi odluke o zaduživanju Grada, o raspisivanju javnog zajma i davanju jamstva u skladu sa zakonom;
9. donosi programe uređenja gradskog građevinskog zemljišta;
10. donosi plan korištenja javnih površina;
11. donosi odluke o organizaciji mjesne samouprave i nazivima ulica, trgova i dijelova naseljenih mjesta;
12. donosi odluke o udruživanju Grada u saveze i druge oblike organizovanja, te o trajnom uspostavljanju prijateljske i druge saradnje sa lokalnim i regionalnim zajednicama drugih država;
13. donosi odluke o proglašenju praznika Grada;
14. donosi odluke o priznanjima i nagradama Grada;
15. donosi odluke o raspisivanju referenduma i sazivanju zborova mjesnih zajednica;
16. bira i razrješava predsjedavajućeg i zamjenika predsjedavajućeg Gradskog vijeća;
17. osniva radna tijela Gradskog vijeća, te bira i razrješava njihove članove;
18. osniva stručnu službu Gradskog vijeća i donosi Pravilnik o unutrašnjoj organizaciji Stručne službe;
19. imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješenja kada je to propisano;
20. osniva preduzeća i ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama u skladu sa zakonom;
21. odlučuje o prestanku ustanova, preduzeća i drugih pravnih lica u skladu sa zakonom;
22. odlučuje o prijenosu i preuzimanju osnivačkih prava u skladu sa Statutom;
23. razmatra godišnji izvještaj o provođenju gradske politike i aktivnostima Gradonačelnika;
24. pokreće i razmatra inicijativu za pokretanje postupka opoziva Gradonačelnika i donosi odluke o pokretanju postupka opoziva Gradonačelnika;
25. ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, najmanje jednom godišnje, te osigurava finansijska sredstva za unapređenje njihovog rada i kvaliteta usluga u skladu sa potrebama stanovništva i mogućnostima Grada;
26. donosi pojedinačne i druge akte iz samoupravnog djelokruga Grada u skladu sa zakonom i Statutom;
27. analizira stanje javnog reda i mira, sigurnost ljudi i imovine najmanje jednom godišnje, te predlaže mjere prema nadležnim organima;
28. utvrđuje smjernice za vođenje kadrovske politike u skladu sa zakonom;
29. donosi Poslovnik o svome radu; 30. obavlja i druge poslove utvrđene zakonom i Statutom grada.

RAZLOZI DONOŠENJA ODLUKE

Gradsko vijeće Zavidovići je na 9. sjednici održanoj 25.07.2025. godine je razmatralo između ostalog Informaciju o po Zaključku Gradskog vijeća Zavidovići, broj: 01-04-4/25-AP-106 od 20.06.2025. godine donesenom na prvoj tematskoj sjednici sa akcentom na rješavanje daljinskog grijanja. Nakon razmatranja i provedene diskusije utvrđeno je da JKP „Radnik“ d.o.o. Zavidovići nema mogućnost isporuke toplotne energije korisnicima daljinskog grijanja Grada Zavidovići za grejnu sezonu 2025./2026. godina zbog zabrane rada kotlovnica „Samačka“ i „Parnjača“ rješenjem Kantonalne uprave za inspekcije, broj: 18-13-04775/25-05-03.002-P od 15.07.2025. godine usljed njihove tehničke neispravnosti. Zbog toga je Gradsko vijeće Zavidovići donijelo Zaključak, broj: 01-45-1585/25-AP-4 kojim je u tački 3. dispozitiva zauzelo stav kojim zadužuje Gradonačelnicu sa nadležnom Službom za upravu poljoprivrede, vodoprivrede i komunalnih poslova da pripremi Prijedlog Odluke o subvencioniranju troškova nabavke toplotnih pumpi – invertera za sadašnje korisnike daljinskog grijanja u skladu sa kriterijima koje će utvrditi JKP „Radnik“ d.o.o. Zavidovići, a u maksimalnom iznosu do 130.000,00 KM koliko je uloženo na subvenciju grijanja za grejnu sezonu 2024./2025. godina. Zbog navedenog podnosim prijedlog ove Odluke.

POJAŠNJENJE PRAVNIH RJEŠENJA U ODLUCI

Članom 1. Odluke propisano je da Gradsko vijeće Zavidovići odobrava subvenciju svim građanima na području Grada Zavidovići koji su na dan 30.07.2025. godine priključeni na daljinsko grijanje Grada Zavidovići za nabavku i instaliranje toplotnih pumpi - invertera, jer JKP „Radnik“ d.o.o. Zavidovići nema mogućnost isporuke toplotne energije korisnicima daljinskog grijanja Grada Zavidovići za grejnu sezonu 2025./2026. godina zbog zabrane rada kotlovnica „Samačka“ i „Parnjača“ rješenjem Kantonalne uprave za inspekcije, broj: 18-13-04775/25-05-03.002-P od 15.07.2025. godine usljed njihove tehničke neispravnosti.

U članu 2. propisan je ukupan iznos sredstava koja se mogu isplatiti za subvenciju iz člana 1. ove Odluke, te na koji način će se obezbijediti sredstva isplatu subvencija.

Provođenje ove Odluke je propisano članom 3. na način da će JKP „Radnik“ d.o.o. Zavidovići utvrditi kriterije za priznavanje prava na subvenciju na koje će saglasnost davati Skupština JKP „Radnik“ d.o.o. Zavidovići. Na ovaj način Gradsko vijeće Zavidovići je preko Skupštine zadržalo nadzor nad utroškom sredstva iz Budžeta Grada Zavidovići. Kriterijima će se odrediti uslovi za priznavanje prava na subvenciju, maksimalni iznos subvencije i drugi bitni uslovi. Kriteriji će se bazirati na socijalnom aspektu, odnosno da će se subvencionirati sredstva za građane koji svojim sredstvima neće moći obezbijediti nabavku toplotnih pumpi - invertera.

U članu 4. ove Odluke propisan je način angažovanja sredstava za subvencije građanima za nabavku i instaliranje toplotnih pumpi - invertera.

FINANSIJSKA SREDSTVA POTREBNA ZA PROVOĐENJE ODLUKE

Za realizaciju ove Odluke potrebno je obezbijediti u Budžetu Grada Zavidovići finansijska sredstva u iznosu koji bi se JKP „Radnik“ d.o.o. Zavidovići subvencionirao za razliku u cijeni isporuke toplotne energije iz daljinskog grijanja za grejnu sezonu 2024./2025. godina, odnosno u iznosu do 130.000,00 KM. Navedeni iznos je utvrđen na bazi subvencija isplaćenim za isporuku toplotne energije iz daljinskog grijanja za grejnu sezonu 2024./2025. godina.

Akt pripremio:


(Idriz Alihodžić)

GRADONAČELNICA

mr. iur. Erna Merdić Smailhodžić



Broj: 01-45-1585/25-AP-4

Datum: 25.07.2025. godine

Na osnovu člana 106. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Gradsko vijeće Zavidovići na 9. sjednici održanoj dana 25.07.2025. godine, razmatralo je Izvještaj o stanju vodosnabdijevanja građana pitkom vodom iz gradskog vodovoda i problematici otpadnih voda na području Grada sa prijedlogom mjera i aktivnosti, pa nakon rasprave donijelo

ZAKLJUČAK

1. Gradsko vijeće Zavidovići usvaja Izvještaj o stanju vodosnabdijevanja građana pitkom vodom iz gradskog vodovoda i problematici otpadnih voda na području Grada sa prijedlogom mjera i aktivnosti.

2. Gradsko vijeće prihvata Informaciju po Zaključku Gradskog vijeća Zavidovići, broj: 01-04-4/25-AP-106 od 20.06.2025. godine, s akcentom na rješavanje daljinskog grijanja za grejnu sezonu 2025 / 2026. godinu, obzirom da je Rješenjem Kantonalne inspekcije, broj: 18-13-04775/25-05-03-002-P od 15.07.2025. godine zabranjen rad kotlovnice „Samačka“ i „Parnjača“, tako da za ovu grejnu sezonu JKP „Radnik“ d.o.o. Zavidovići nema mogućnosti isporuke toplotne energije putem navedenih kotlovnica.

3. Gradsko vijeće Zavidovići u skladu sa tačkom 2. ovog Zaključka zadužuje Gradonačelnicu sa nadležnom Službom za upravu poljoprivrede, vodoprivrede i komunalnih poslova, da pripremi Prijedlog Odluke o subvencioniranju troškova nabavke toplotnih pumpi – invertera za sadašnje korisnike daljinskog grijanja u skladu sa kriterijima koji će utvrditi uprava JKP „Radnik“ d.o.o. Zavidovići, a u maksimalnom iznosu do 130.000,00 KM koliko je uloženo na subvenciju grijanja u sezoni 2024 / 2025. godine.

4. Gradsko vijeće Zavidovići zadužuje upravu JKP „Radnik“ d.o.o. Zavidovići da izradi i dostavi procjenu potrebnih sredstava za subvenciju iz tačke 3. ovog Zaključka Gradonačelnici do 30.07.2025. godine.

5. Zaključak stupa na snagu danom donošenja, a o njegovoj realizaciji starat će se Služba za upravu poljoprivrede, vodoprivrede i komunalnih poslova.

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog

Akt pripremio: 
(Samira Pinjić, dipl. pravnik)